



UNIVERSITÄTS-
BIBLIOTHEK
PADERBORN

Universitätsbibliothek Paderborn

Militia Sacra || Dvcvm Et Principvm || Brabantiaë,||

Molanus, Johannes

Antverpiae, [1592]

De Carolo Duce Lotharingiae sub Ottone secundo. Cap. XXXIIX.

urn:nbn:de:hbz:466:1-38114

lis, Apuliam omnem & Calabriam recupera-
runt, quas Nicephorus nuper amiserat. Has
Otto repetiturus vt suas prouincias, coëgit
copias vniuersas Germanicas & Italicas. Sed
infelicissimè ac atrocissimè pugnauit, mira-
biliter tamen ex manibus hostium euasit.

Itaque Otto cum exercitum & Imperium
panè amisisset, diuinitus suis redditus, disie-
ctas dilapsasque reliquias, quantum potuit,
collegit, bellum instauraturus: in quo cum
nonnulli scribunt Sarracenos auxiliares ad
internecionem deleuisse, indeque adeptum
esse cognomentum, vt vocaretur Pallida
mors Sarracenorum.

*De CAROLO Duce Lotharingia sub Otto-
ne secundo.*

C A P. XXXIX.

OTTO NE Imperatore, Lotharius Fran-
corum Rex Lotharingiam armis repe-
tijt. Sed Otto II, instructissimo exercitu po-
pulabundus ad ipsam vsque Parrhisorum vr-
bem penetrauit, & Lotharingiam receptam,
Germanie copulatam, sed tractuum quorun-
dam auulsione diminutam, quos Episcopis
Coloniensi & Leodiensi attribuit, Carolo
fratri Lotharij Regis donauit, ea tamen lege
vt beneficio Imperatoris tanquam prouin-
ciam Germaniæ possideret. Ducatus Lo-
tharingia, ait Sigebertus, datur anno 10000.
LXXVII. Carolo fratri Lotharij Regis Fran-
E corum,

VII. Brabā-
tie Dux be-
neficiarius.

corum, multis insuper conducto beneficijs, ut & ipse ab insolentiis desistat, & fratris sui Lotharij motibus obsistat.

Huius Principis præclarum elogium clerus Bruxellensis iam olim in vita sanctæ Gudilæ conscripsit. Eo enim attestante, Carolus in regno Lotharij Ducatum adeptus, statum Imperij dolens perturbari multipliciter, ad melioranda multa negotia animum adiecit solerter. Vnde inter cætera cum res ablatae Ecclesiæ Mortzelensi, inuasorum partibus niteretur subtrahere, & S. Gudilæ famulantibus restituere; ex Hermenfredi & complurum rapacibus manibus corpus S. Gudilæ obtinuit, & Bruxellam tulit. Postea villæ, quæ Molebeca dicitur, partem sanctæ Gudilæ tradidit, cum sex familijs, & compluribus vestimentis altaris.

Hic est ille Carolus, cui regnum Francorum ex paterna & auita successione debitum, ut Sigebertus verè loquitur, Hugo Capet, Hugonis Parrhisiensis Ducis filius, vsurpando rapuit. Vnde quidam versiculos conscripsit,

*Hic in Bruxellam Gudilam Dux transtulit
almam,*

Francorum regna sibi debita perdidit iste.

Obijt Aureliæ in captiuitate Hugonis anno ix^c. xci. Lauduni cum vxore interceptus. Ex vxore autem sua, quæ Treucarum Comitis erat filia, genuit Ottonem Ducem, Gerbirgam nuptam Lamberto Comiti Louaniensi,

uanienſi, & Ermengardem nuptam Alber-
to Comiti Namurcenſi.

*De rebus præclare in Italia pro Rep. Chriſtiana
ab Ottone III. geſtis.*

C A P. X X X I X.

ANNO IX^c. XCIII. Crescens Nomen-
ſtanus, Romæ ingēti fauore populi con-
ſulatum adeptus, Imperij titulum ſibi ad-
ſcribere geſtiebat. Qua de cauſſa Ioannem
Pontificem, ſiue Reip. ſiue Ottonis charita-
te cooperari nolentem, ex vrbe depulit, ac
Romam & propinqua aliquot Romæ oppida
ſub ditionem ſuam adduxit. Sub idem etiam
tempus Landulphus Archiepiſcopus Medio-
lano eiſcitur. Ita Otto, ſimul Pontificis &
Archiepiſcopi voluntate ac petitione com-
motus, expeditionem in Italiam ſuſcepit.
Quo aduentante aduerſarij ſibi conſulue-
runt; & tempeſtiuè vna quidem eorum pars
cum Pontifice, altera verò cum Archiepi-
ſcopo composuerunt.

*Hic Impera-
tor vnicū
creauit Bra-
bantie Du-
cem.
Ex lib. 7. Si-
gonij.*

Nondum in Germaniam Otto redierat,
cū Crescens in Gregorium V. inſurgens,
Ioannem Pſeudopontificem intruderet. Gre-
gorius in Germaniam iniuriam deploratum
opemque affectis ſuis rebus petitem con-
ceſſit. Otto igitur anno ſubſequenti cum fir-
miſſimo omni copiarum robore in Italiam
rediit. Urbem obſedit. Romani inopia op-
preſſi, Crescente in arcem confugiente, iram

E 2 in Ioan-